



Broj:
Maglaj,

PRIJEDLOG

Na osnovu člana 12. Zakona o javnom redu i miru („Službene novine Zeničko-dobojskog kantona“ br. 8/00, 15/03, 11/07, 08/08, 12/16, 4/17 i 6/17) i člana 18. Statuta Općine Maglaj-prečišćen tekst („Službene novine Općine Maglaj“ br. 8/07, 3/08 i 6/08), Općinsko vijeće Maglaj na ___ redovnoj sjednici, održanoj _____ 2023. godine, d o n o s i

ODLUKU

o izmjeni i dopuni Odluke o javnom redu i miru

Član 1.

Ovom Odlukom mijenja se i dopunjava Odluka o javnom redu i miru („Službene novine Općine Maglaj“, br. 6/18, 9/21 i 13/22) u Poglavlju II - Kaznene odredbe član 9. dodaje se stav (2) koji glasi:

„Za prekršaj iz člana 7. tačka 17 a). određuje se novčana kazna i za roditelje, usvojioce odnosno staraoce maloljetnika koji je učinio navedeni prekršaj, u iznosu navedenom u stavu (1) ovog člana“.

Dosadašnji stav (2) postaje stav (3) i tako redom.

Član 2.

Izmjena i dopuna Odluke stupa na snagu osmog dana od dana objave u „Službenim novinama Općine Maglaj“.

PREDSJEDAVAJUĆA

Aida Bašić

Obrazloženje

Pravni osnov za došenje Odluke o izmjeni i dopuni Odluke o javnom redu i miru je član 12. Zakona o o javnom redu i miru („Službene novine Zeničko-dobojskog kantona“ br. 08/00, 15/03, 11/07, 08/08, 12/16, 4/17, 6/17), kojim je utvrđeno da „ Općinsko vijeće može, u skladu sa članom 1. ovog zakona, svojom odlukom propisati i druge prekršaje protiv javnog reda i mira“, te je Općinsko vijeće Maglaj i donijelo Odluku o javnom redu i miru koja je objavljena u „Službenim novima Općine Maglaj“, br. 06/18, 9/21 i 13/22.

Međutim, javila se potreba da se u poglavlju II KAZNENE ODREDBE član 9. kojim su predviđene novčane kazne za prekršaje iz člana 7. gdje su navedene i tačke za koje se određuje novčana kazna u iznosu od 100,00 KM, a između ostalih tačaka i tačka 17. koja se odnosi na „Postupanje sa životinjama na način koji izaziva uznemiravanje i negodovanje građana“ a tačka 17 a) „,puštanje i vođenje psa na javnom mjestu bez zaštitne korpice na njušci i bez povoca“, doda stav (2), kojim bi se odredilo da novčanu kaznu iz stava (1) ovog člana plaćaju roditelji, usvojioci odnosno straoci maloljetnika, koji je učinio navedeni prekršaj (član 7. tačka 17 a). Odluke, u iznosu iz člana 9. stav (1).

U skladu sa navedenim pripremljen je Prijedlog Odluke u smislu da se mijenja i dopunjava Odluka o javnom redu i miru, a prema Sugestijama koje je dostavio MUP Zenica, Uprava policije PU III PS Maglaj, broj 08-02-10/2-03-1-1579/23 od 17.10. 2023. godine.

Zbog svega navedenog predlažemo Općinskom vijeću Maglaj da usvoji prijedlog Odluke o izmjeni i dopuni Odluke o javnom redu i miru.

Obradivač: Jasminka Saračević

